


[Anniola, Paulus]



Martin' lu

ther Wy es eyn man sey Vnnd
was er furt' im schylde Das
vindest du in diesem spruch
hy bey Gleych weye in
eynem Bylde.

Omnia caro ad similem sibi cō
iungetur et omnis homo simili
suo sociabitur Ecclesiastici ter
cio decimo capitulo

• 1 5 • z z •

**Daulus Amnicola . wüſchet
ſeynem frund . A. vil heils vñ
ſelikeyt in Chriſto**

Dein ſchreybē an mich gethā hab ich nach vnſer frunds
ſchafft zum beſten angenommen / das du aber meldeſt
dich vorwunder worumb ich ſchwacher vñd weniger
mit ſchriſt gewappent mich vnderſiehe den ſtarcken
vñd vaſt wol geharnſten reſen Lutherum anzutaſten
ſo ander villenn vñd vñd in denn vniuerſitäten
groß gelarten vñd der ſchriſt hochvorſtendigen wenig
befunden / weder Martinum ſchreibende / vñ zum mal
dye weyl myr nicht vorborgen iſt / wie Luther genigen
ſo weder ohn ſchreyben außrichte vñ beſchicke AB myr
vñlleichte auch gelybe ſcheltwort vñ leſterung zu entp-
faenn mich auch enthlich vormanende / ich wolt myr
frede belieben lan vñd mit dieſem thun ſtille ſtan zc mit
weyternn wortenn Ich bedancke mich erſtlich deyner
vormanung ſo groß weye vil dye ſelbige auß rechter wa-
rer frundschaft chriſtlicher engundunge vñd nicht ver-
zagung ader vnheychliche blodigkeyt entſpringet
vñd gehet begerende dieſe meine antwort von dyr auch
an beſtenn orth zu ſtellen Szo Luthers thun nicht ſo
ganz zunachteylung were Chriſtlichem geſetze zu ab-
treibung freydes / eynigkeyt / vñ loblicher biß her gehalt-
ner obſeruang in der kirchen / achtet ich auch nicht / al-
lein vberfluſſig / vñnuz ſonder vormeſſenlich / troglich
vñd vnweiſlich in den handel ſich zugehē Du iſt Lut-
hers werckes eynn ſolches / das es billich vonn izlichem
Chriſtlichen menſchenn widder rede vñd widerſtanth
entpfahē Wer ſich meyn ſchemet vñ meynen wort (ſage
Chriſt) den weyß ich auch nicht noch hie noch dorre
Eynn izlicher ſal dorwidder erbeyten / vñd ob ers auch

nicht bringen kan do hin es kommen solt Paulus sage
nicht das es fruchtbarlicher den andern aposteln sind **1 corin : 17**
uberflussiger geerbet hab So wil Christ⁹ von izlichem
das er vnchristlich vornemmen widder rede / widder
spreche vnnd darkeyne erbeyte ab ers auch gleich nicht
moge verhindern Sunder das du myr sagest vil in der
vniuersiteten zu Luthers thun schweigen sthete an ey-
nen ort Paulus saget Omnes querunt que sua sunt **Ad philip 3**
Alle suchen was ir ist nicht was Ihesu Christi Welche
der prophet Ezechiel strafft am . 13 . ca . also sprechen
de Ir habt nicht dargeigen : ader darwider gestanden:
auch nicht geleyt eine mauwer vor das hauß Israhel
das yr stund im streyth am tage des herren In diesem
vall den glauben betreffende / hat izlicher zubedencken
was ihm zustehet / nicht was ander thun ader lassenn
Wer weyß ob villeicht auch vonn wegenn vnser sunde
Luthers vorgiffte lere durch schweigen der gelarten vn
vorsenmlichkeit / der prelaten so tieff geworzel hat Der
prophet Ezechiel ward umb sundt des volks von gote **Ezechi : 30**
gestrafft seyne zunge hingen am garum: er wart stum
mochte widder straffen noch schelden Paulus sagt Es
muß ketzerey seyn / vnd gebeut doch **Ad titum 3**
Tito das er den ketzer meide ab nro vnser sunde / solchen irthum hat verdy
net / dennoch sal eyn izlicher gotsfurchtsamer mench
noch mogligkeyt dar wider stehen Dem nach was myr
vor scheltwortē : vortuzunge vn lesterunge ob meynem
schreyben bekumpt / sal ich gleychmutig tragen . alzeyt
haben die abtrynugen vnd fluchtigen vonn dem glau-
ben die rechtglaubigen voruolget / vorspottet mit singē
vn sagen das ich geschweige der heiden / so ich vilmals
gein dem Israhelischen volcke mutwillgliche aufleintē
on vffrucketen / vorwurffen Vbi est deus eorum . In ec-
clesiastica historio tripartita Dye Arriani spotlich sun-
gen vnd sagten von den rechtglaubigen Des gleychen
auch die Julianisten sungen / nunc fabrislius quid pu-
tas agit / vi histo . ecclesiastica Dorumb mussenn wie

Johan. 17

2 Thimo 3

Gene. 3

Esaiē 56

vns nicht verwündern nach zu vil blind seyn/ was wol
tenn wir thun wan das schwert gein vns schimmerte/
so wir vmb scheltwort vnd lesterung zuuorneyden/
vns fürchten vnd schemmen den glauben zubekennen
Von leichtfertigen/ abtrynugen/ vngelaubigē menschen/
geschulden/ gelestert/ geschent werden ist nicht vn-
erlich/ Jamhe erlich Es ist ein zeichen vnd gezeugnis
das wir ihrem sundlichen/ boshaftigen thun entgen
vnd widder streben/wider stan/Szo yr von der werlt
werden (spricht Christus) werde die werlt lybē das ihr
ist/aber ihr seyt nicht von der werlt/darumb hast euch
dye werlt/Alle dye do wollē Christlich leben vñ Christ
um vestigklich bekennen/werden vil voruolgüg leyden
so wir Paulo glauben/sunder böse menschen vnd vor-
furer werden yn bosshet wachsen vnd zunemen/irren
de vnd in irthum fürende Wer auß got ist der wirt mit
Thimotheo bleibē in dem das er gelernet hat zē Mir ist
auch nicht vo Borgē Luthers geschicklikeith Ich weis
wol das er vast stargē geharnyscht vnd gewappent ist
mit tugk/list vnd gifft der alden schlangē/dern hewpt
doch das weiß zeknyrst vnd zureybt Goliad mit pan-
zer vnd helm versichert dye scharen israhel schentlich
vorsprechende vnd lesteynde/ von David blos an har-
nisch entlich erschlagē warth / Vñ ab der keins Luthe-
ro von myr widder vhare / so wil ich doch noch christ-
licher pflicht/den glauben so in myr ist/in diesem vnd
andern schreyben erkennen/gleich eynē hundeleyn das
dem wolfe nach leufft vñ anpilt / ab es den wolf nicht
beisset/so ist es yn doch meldenn/do mit ich entlediget
sey vnd geschweyēt vō dem scheltwort/vñ straffung/
des propheten Esaiē/es seint stumme hunde/mögen
nicht bellen/schlauffende vnd liebende den schlaff vnd
allerunschamhaftigste hunde/ können nicht vol vnd
sath werdenn zē Disz mein gemuth hab ich dyr auff dein
schreyben wollen zuuor stehen geben/magt das auffnē-
men vnd richten nach deynem gefal/ es ist mir vor das

wenigste / so ich von dir andern geurteilt ader genicht
werde / der mich richt ist eyn her Do mit goth entpfolen
z̄ Gebenn eylende z̄

Hören yr himmeln : hören Erden
Was wil sich machen . was wil werden
Eyn nauwer Prophet ist erstanden
Alhye bey vnß in diesen landen
Er vabetz selzem ann / vnd treybt gwyr
Macht / manchen menschen im glauben yr
Er ghahet die lenge vnd dye quere
Vnd sagt vns vil der nawen mere
Welche die alden yn der geschiffte nicht han gegrunde
Wunder ist / von wan es yhm zukömpf
Ach wey hat got die kircke so lange vorlassen
Vnd sich zu den altuettern nicht woln massen
Vnd öhn dye warheyt so lange verborgen
Byß Luther erwacht ist / frū heut morgen
Ir möget euch freuwen vmb legende landt
Werdt des Propheten weniger eer han / den schande
Dye Bhemmen haben schyr gebrauwen auß
Schicken vnß kessel vnd pfannen hyrauß
Wyr sollen auch eyn weyll syden vnd kochen
Barmhertiger got laß nicht vngerochen
Laß deyn götlichen zorn so wyr vordyn han vharren
Byß vnß in frede: eynigkeyt vnd rechtē glaubē bewaren
Ich wil dir nach mhe von dem Propheten sagen
Sich erfert da her auff gumpels wagen
Er hat tieff in den sandt gesenckt
Vill narren han sich an den wagen gehenckt
Darffst dich des nicht vast vorwundern
Bey diesen zeyten vnd vnßern stunden
So die welt yhe mit Bosheyt beladen ist
Warlich heut am meysten zu dieser frist
Dorumb mag nicht seyn sye muß ergerniß han
Aber wee dem menschen der es machen kan

Scoma

A iij

Mat. 18
Necesse est ut
veniant scan
dala

Ecclesiasti. | Ecclesiastes der weyse saget also
Sculorum i | Vngelich ist der narren numerus
finitus est nu | Dorumb volgen vill den wagen noch
merus | Den zu auffruer vnd nauwen meren ist ioch
 Sye werden noch wylde spyll machen
 Das der böse geist in der hellen wirt lachen
 Vilammers vnd noth erwecken
 Wer weysß weye fern sichs noch wirt strecken
 Luther/mit lotherer seynem frunde gut
 Vbet gross hoffart vnd treybet vil vbermut
 Es ist ihm nicht/gnung an dem geschwert
 Das er sager Bestliche gwalt sei nicht vō götliche ge
 Er hat christlich furstenthum mhe geschant = setz
 Hat Bestliche bucher: decretales vorbrant
 Das er ia seyns bedunckens vrsach vorstelt
 Er hat sie aber auß Sathans register gezelt
 Ich wenne seyn caput eteroclitum vñnd stolzen muth
 Auß welchem er die schrifft frefflich beugen thut
 Vnd noch seynem gefallen zwingen
 Der alden schlangen lyedleyn singen
 Darumb dye vrsach dye er geyt
 Seynt der warheyt ledig vnd queyt
 Er nympt auß falschem grunde
 Vnd vorzelt sye mit lögenhafftigen munde
 Das salt du liephaber der warheyt so vorstan
 Sich wer nicht ist in den christlichen glauben han
 Der mag das Ewangeliu leichtlich vordampnen
 Als denn thun dye vngelaubigen alle sammen
 Also luther üglaubig dz oberkeit vō chrō sey aufgericht
 Engcuget er dem Babst reuerenz: gehorsā christliche =
 Do vō wil ich mit Luther redē cyn and stūdt = pflicht
 So myrs wirt nachgelassen vñnd vorgundt
 Den grunt seyns vnglaubens wil ich gar zubrechen
 Dy kerzerischen artickele/dar auß flissende/ schwechern
 Auß dyß mal byn ich alleyn das vortragen
 Vnd von dem vnchristlichen vorbrennen sagen

Solt es weltlicher oberkeyt haben gethan
Wye baldt wer om worden seynt vordynt lott
Er ist aber vol töckheyt/ vnd der alden schlangen gyffe
Weyß wol wye er am sichersten antrifft
Luthers hoffart ist sich wol vorgleychen
Core: Dathan/ vnder dern füsse dye erdt das weychenn Flumeri xvij
Er macht auch mhr thoren vnd affen
Sagt alle getaufft seyn Pfaffen
Vhm ist der glaub gnung vnd alsatt
Acht nicht was Prelaten vnd kirch geordent hat
Vasten/ Betten vota vnd ander Ceremonias
Ist er vorlachen/ vnd gybett ohn den haß
Villicheit in Luthers Ewangelio nicht stat
Das Christus zu der kirchen Prelaten gesprochen hat
Wer euch höret/ der höret mich
Wendt das blat vmb Luther/ vnd das an sich
Mag der glaube alleyne/ seylich machen
So hat der teuffel noch gutte sachen
Der Teuffel glaubt/ Es seynt S. Augustini wort
Hylfft ohn doch weder hye noch dort
Der glaub an die wergt/ ist vnnuz vnd todt
Als der heylige apostel Jacobus gesaget hat
Dorumb Luther hye nichtz/ anders macht
Den zubricht vnd zustolet Christliche andacht
Von gehorsam: vnderthennkeyt vnd demuth
Er schweyget vnd gar nichtz reden thut
Er prediget Christliche freyheit vnd Jubel iar
Angenem/ nicht Got/ sunder dem teuffel zwar
Hat das eeh weyb nicht genung an yrem man
Noch Luthers freyheit mag sie zu seynē bruder gan
Wil der man das nicht vergunnen
Sal sye mit eynē andern auß dem lande entrynnen
Vnd sich an frömden orth mit ohm voruachen
Auff das sie mag bynder machen
Ist myr das nicht eyn selzam geschicht
Das dye ehe von got gebaut/ so werde zu nicht

z Jaco. 6 ca
Fides sine op
erib⁹ ociosa ē
Sicut corp⁹
sine spiritu
mortuū ē ita
fides sine ope
ribus mor
tua est .

Er spricht auch die ehe sey keyn Sacrament
Das hat yhm Tacodemon/nicht die schrift zubehent
Luther hatz bey dem saw trog horen sagen
Darinnen er den Schweynen das spülich ist vortragen
Der bösen artickell ist noch so vill
Das ich sye nicht alle melden will
Sunder ich bitt Christlicher mensch bedencck mit ernst
Sich dich vmb/hye vnd dorth nohe vnd fernst
Comtemplire aller völder vnd Nacionen
Dye sich rümen Christlichem Namenn
Es seyn Grecken: Keussen: Ander mit Machamett
Vnser Tackbarn dye Bhemmen/auch mit gezelt
Alle dye sich haben vom Babst haben gewant
Seynt zurissen/vnd in vill Seeten zutrant
Du darffst nicht vber mehr zyhnen ader gan
Sich vnser Tackbarn die Bhemmen an
Wan eyner der do lebet alleyn Börperlich
Das ist/bewar das seyn/nichz fremdes zihne an sich
Er glaub darnach was er will ader nicht
Es ist ihm alles vergeben vnd vorzigt
Beycht ader nicht/Communicyr ab er will
Es gylt ihm gleych/vnd yst eben vill
Glybet ihm/tocht/schwester/muter zu tag ad nacht
Mag zu yhr gehen/hatz gutte macht
Es ist gar keyne Bussse tragen
Nymant thut ihm eyne wort darumb sagen
Also seyn alle in freyheyte lebenn
Dye den gehorsam haben vergeben
Vnd sagen/das alle priester gleyche gewalt han
Wan es alle Pfaffen seyn/weyß ader man
Dye do krichen auß der tauffe
Got behüt vns allen vor dieser tauffe
Wye es nun in andern Nacionen zu gehet
Dennoch es besser in latynischer kyrchen stadt
Do vindest zucht//togent/vnd alle Erbarkeyt
Wye wol auch vill mackeln/in yrem kleydt.

Dor von wyr doch nicht sollen ergernysß han
Wan hyc keyn standt/an gebrech mag bestan
Darumb die kyrche genant das hymmelreich
In Ewangelio wirt dem fysch Nege gleyche
Dor mit man fahet fische Böse vnd gut
Demnach Luther auß argerlist falschlich thut
Dy gebrech iñ kirchē mit hoffart vngeduldiglich meldē
Vnd im Babst die Prelaten lesterlich schelden
Vnd ab nun dye person straffwirdigk ist
Sall das ampt vor schmet werden zu keyner fryst
Höre was Christus deyn meyster spricht
Was sie sagen das thut/was sye thuen das thuet nicht
Ich sprech nicht/das man laster fall sopyren
Sunder gebrech mit vornunfft Reformyren
Durch die den es von recht zu statt
Es seynt lögen das eyn Jglicher zuthun macht hatt
Als Luther wol mhe leuget vnd treuget
Vill/mit der schrifft falschlich bezeuget
Er ist der schlangen list vnd töckheyt voll
Hat vorstandt zum argen/vnd weysß woll
Das das vnadliche volck leicht ergernysß nympt/
In gebrechen dye es in den Prelaten findt
Dorumb zu erwecken mher auffruer
Czencht er des Römischen stuls sund erfur
Durch welch argument er allermeist
Das pöuelvolck weder die öberkeyt reyzt
Vnd den Gehorsam also ist vorterben
Welchen zu erfollē Christus hat wollen sterben
¶ Nun raspelt hynder myr her/eyn thor
Jochet mich/vnd raumeth myr in eyn ohr
Luther habe gestrickt gar eyn vest nege
Wan er alle artickel mit der schrifft vorsetze
Er moge mit Jglichen da von disputyren
Den acker der schrifft Egen vnd quiren
Er sey geschickt/kunne noch lauffen öber grasß
Ich wolt er het den Circell in der nasß

Mathei 13
Simile ē regnū
nū celorū sa-
gene misse in
mare zc

Mathei 23
Super cate-
dram moysi
sederunt zc

Eneas Sil-
uius
Seruēt sum-
mos fulgura
mōtes et al-
tissimas tur-
res vēti qua-
ciunt
Ad philip : z
Fact⁹ est obe-
diēs vsq; ad
mortē mortē
autē crucis

4 Regū 19ca
Ponā itaq;

B

circuli in na Und in Nynive gefurt wōrde mit Sennacherib
 ribus tuis et Das wye zu frede weren in vnserm gesipp
 chamū in la- Was thust du myr sagen Gumpfels man
 Bhs tuis re Wan es yhe alle Kezer han gethan
 Ducam te per Haben auß dem Text der Byblen genommen
 viam re Da durch sye in irthum seyn gekommen
 Luther entpeut vil zu disputiren
 Wilsich aber nicht lassen informiren
 Er ist so frech/vnd stat in solchem Rumb
 Daß er eyn Concilium thar straffen kurzumb
 Er acht nymant seynen gleychen
 Welchem wirt er dan wollen weychen
 ¶ Was bist du dich vast berumen vnd gloriern
 Der schrift vorstandt/vnd des disputyren
 In disputando seynt vill wort vanitatem tragen
 Ecclesia .vi. Als Ecclesiastes am vi capitellist sagen
 Ad Gala .ij. Dorumb hat Paulus mit dem Aposteln conferyrt
 Cōsulicū il- Seyn Ewangeliū vnd nicht disputyrt
 lis ewāgelii Wan Cismata werden nicht geendt
 qd predico Durch disputyren/sundermhe guttent
 Li .ix . e . xix Daß vindest du in tripertita historia stan
 Lyß es recht/vnd sichs vleßsig an
 Fran . petra Franciscus petrarcha hat gelesen do von
 Sicut mode Dorumb sagt ee das durch garrula disputation
 sta collaciōe Wirt die warheyt oft vorloren zwar
 vitas eluces- Dye man in vornunfftiger collacion erkent offenbar
 cit / ita gar- Dem nach laß deyn disputyren vallen
 rula altercati Vnd enthalt dich deyns hoffartigen fallen
 one sepe om- Es seyn schweynß federn do mit du vmb gast
 mititur . Wan du hoffartich/auff sauwen borsten stast
 Sermonē 65 Bernhardus spricht/diese orsache alleyne
 super cen . Haben gehabt alle Kezer in gemeyne
 Daß sie durch narwe vnd sunderliche lere
 Wolden scheppen rumb vnd eytell Ere
 Ecce . histo Daß erscheynt im Ergkezer Arrio
 li: xca . 1 Von dem offentlich steth geschryben also

Ohm was dye gestalt der fromykeyt
Alzeyt ehe d. e. togent bereyt
Tzeytlicher eer was er begerig wunderfam
Darumb in den vordampren yrthum kam
Dye ee Luther that dich auch zuuill gluck machen
Vnd bewegen zu dießen bosen sachen
Der zorn bleybt nicht dohinden/wil auch mit
Wye dan bey allen höffartigen ist syt
Do her kommen die honischen spottischen wort deyn
Das du umb dich hawest wye eyn eber schweyn
Das schafft der geist der in dyr ist wonen
Mit storm do her prausen/nymands schonen
Benignus autem est spiritus sapientie
Luther steyg auff den Esell/thu ohm nicht we
Ich wolt dyr rathen/du thezt gemacht
Vnd bedochst dich recht/was do sey der sacht
Hastu lust zu frede vnd eynicckeyt
Darinne du magst erkennen dye warheyt
So höre was dyr der Apostolus Paulus saget
Vollg ohm mit rechter andacht
Schmecke nüchtern vnd messig die schrift
Anderst nympt du vor honig gyfft
Ich forchtich singe dem tauben eyn lybleyn
Er ist der wort vornemmen keyn
War umb salich die leyer lenger stan
So ich den Esel nicht tanzen machen kan
Er bleyb in seynem vorstochten mut als er ist gewest
Byß lange er komme in des teuffels nest
Hylt er noch vnd ist ohm ioch / den gumpels man
Will sich mit myr zanken/mag nicht frede han
Er spricht es sey offensar vnd schlecht
Luther gesche gewalt vnd vnrecht
Er sey vordampft vnd nye vberwunden
Weder heut noch gestern / zu keynen stunden
Höre gumpels man was Paulus ist schreyben
Du salt den kezer noch ander vomanug meyden

B ij

Veri⁹ vic spe
cie et forma
magis q̄ vic
tute Religio
sus sed glorie
laudisq; z no
uitat impro
be cupidus
prava q̄dam
pferre z que
antea in ques
tionē nunq̄
venerūt cepi
Sapiētie p̄

Ad Ro. 12
Dico enī per
grāz que da
ta ē michi d̄
nib⁹ qui sunt
iter vos / nō
pl⁹ sapere q̄
oportet sape
re sed sapere
ad sobrietatē

Ad Titum 3
Hereticū ho

minem post Er sagt nicht noch vberwindung der Disputation
 primā z secū Wan der ketzer sich nimmer wil vberwindung lan
 dam correptionē deuota Ich meyne doch ey sey gnunglich vberwunden
 Der in vberflüssigkēyt seyns vornemmens wyrtsfunde
 Vnd in der heiligen schrift ein ander vorstandt wil han
 Den Porhodoxi patres die heiligen veter haben gethan
 Auch vns vorgeben nauwe leer
 Welche dye kyrche nicht hat angenommen bis her
Mathei 18 Wer die kyrch nicht horet sagt Christus
Si ecclesiam Der sey dyr als eyn heyde vnd publicanus
nō audierit / Er ist eyn vnsteter mensch / volleychtfertigkēyt
Eccle. 19 Sagt dy schrift / wer baldt glaubt vñ animpt nauheyt
Qui credit ei Sich an dye heyde do stat eyn blümleyn inne
to leuis ē cor- Darauß fūzet die bene / auch dye spinne
de z minoras Den safft den dye bene handelt
Bitur In süßhonig seym / balde wandelt
 Aber dye spinne macht dar auß gyfft
Marfilus si Wye denn yre natur betryfft
cinus Also seynesich gein der schrift han
Qualis quis Der glaubigen mensch vnd der ketzer man
qz in se est ta- Hoffartig gemuth thut auß der schrift scheppen
lia cuiqz sūt Dar von sich ganz / hader / ist erwecken
que accipit Wer aber wandert in demutigkēyt
 Dem wirt gegeben erkantnyß der warheyt
 Hörenicht mich / hore den der nicht leuget
Mathei xi Christum deyn hern / er hatz selber bezeuget
Cōfitebor ti Ich bekenne dyr vater du hastz vorborgen
Si pater dñe Den dye bey sich weyse seyn / des obenz vnd morgen
celi z terre qz Vnd hastz offenbart den wenygen vnd kleynen
abscōdisti he Warlich dye demutigen ist er meynen
e a sapiētibz Dye weyl den heut vill menschen in hoffart leben
 Was wunders so sich ganz / hader irthum bgeben
 Beatus homo quem tu erudieris domine
psalmo xciiij Sagt der prophet David / hore mhe
Prima Cho- Es ist von notten / das sich erheß ketzerey
inthios xi Auff das kundt werd / welcher im glaubē bständig sey

Doch sal man den Fezger meyden
In Keyner gemenschafft leyden
Aber es seyn/leyder arme sachen
Es wil sich erst böse machen
Dye hyrten haben des weyns zu vill genossen
Seynt faull/crege worden vnd vordrossen
Sye schlossen den schloff/des eygen Nuz
Haben dye schaff Christi in geryngem schutz
Darumb ist der wolff ganz forre geworden
Gehat frey hyn vnd her vmb dye horden
Er das maull offent/vnd dye zene blecket
Do mit hat er hunde vnd hyrten erschreckt
Das bedent schwachen in dem glauben vñ Blödigkeit
Das wenig festiglich lyben dye warheyt
Vnd ist eyn bewerung/auch argument
Warumb vnß solche hyrten / vnd hunde seynt zubeheyt
Ich wenne der menschen sund vnd misserat
Als den got den propheten gedrawet hat
Das volck reyget zorn / dorumb wirstu seyn stum
Dye zunge wirt hangen an deynem gum
Du wirst seyn eyn man der do strafft noch schilt
Wye eyn stummer hund der gar nichtz pilt
O ihr hyrten/dieser zeyt/das ist ewer lan
Das yer mit dem schaffen vordynet han
Darumb keret wyder/vnd wendt euch zu got
Lath vwaren eygen Nuz Geytz/hoffart/fru vnd spöt
Nemmen der schaff Christi/ewer selbst/eben war
In diesen Bosen tagen/vnnd schalck iar
Man mag die schoff christi nicht scheydlicher berawen
Denn so man sie entplöst im glauben
Dorumb ketzerey/dye schedligste voruolung ist
Dye dem Christlichen volck wyderferth zu aller frist
So du Pastor wilt schlossen/nicht derwyder stan
Wirstu warlich mit den irrenden schoff zur hellen gan
Ich wil bescheyden thun/vnd vwaren schon
Vill das zusagen weer/do hinden lon

B. iij

Oporet he-
reses esse ut
q̄ pbati sunt
manifesti fia-
nt i vobis rē

Philipp .iij
Omnes que
sua sunt que-
runt nō que
ihesu christi

Ezechie .iij
Lingua tua
adherere faci-
ā palato tuo
et eris mutus
nec quasi vir
obiurgas q̄
domus exasa-
perans est .

Ezechie .iij
Sanguinem
ei⁹ de manu
tua requira

Sunder wollen got herren bitten
Er wolt vnß behalden in Christlichem sitten
Vnd in dem Rechten glauben bewaren
Den vnser veter gehabt han / vor tausent jaren
Vnd die heyligen Merterer bezeuget mit ihrem blut
Dass er recht sey / war vnd gut
Got behut vnß vor des teuffels scammen
Das wyr nicht sterben in vnglauben Amen

Das ledleyn / Luther / byn ich dyr zur vasnacht singen
Du magst darnach tanzen ader springen
Ich will dyr gar balde dye trummel schlagen
Dan Luther zeug dan harnysch an
1 Regū xvij Du bist nicht weniger dan Golyadt
Der agnibus israhel exprobiere that
Aber ich getrawe dem geyst / in David was
Vnd forcht nicht ob dyr helff der meyster des gezäglis
Es ist d' kampff dñi Sabaoth des herren = Sathanas
Darin ieder sich brauchen fall vnd manlich weren
Wer sich mein schemet / spricht Christ? vñ meiner wort
Den wess ich auch nicht / weder hie noch dorth
Darumb Luther / lass frey eynhergan
Es seynt noch Milia miliū dye dyr wederstan
Helyas wente er wers alleyne
So doch vñ Tausent in gemeyne
Ire knyenicht hatten gebeüget vor Baall
Got hat ohm heut behalden vil eyn grosser zall
Du magst wol die vnden des Mers erwecken
Aber nit Petri schyffleyn do mit bedecken
Vff dyß mall hab do mit gute nacht
Got der alle ding / vormag / gebe dyr rechten Bedacht
Dass du von deynem freuelichen thun wolst abstan
Vnd Christi porcionē / vtcūq; agentem bey frede lahn

Finis

Dye weyl oben gemel/das Luther die schrifft beuge vñ
zwynge/auff meynunge/welche Orthodoxi patres vñ
dye kyrche byß her/nicht angenommen habē Auch dye
ursachē so. Er vorgibt/das er billich Bestlich Recht
vorprent habe zyhe auß falschem grunde zc

Wye woll das an vill orten seynes schrifft zuuormerck
en ist/wyl ich auff dyß mall vñ tausenten eins angeichē
Mercke erstlich vnd schawe eben an /ab Luther in dies
sem seynem töstigen/freuelichen/vnchristlichen vornē
men/nicht grade/nach gehe/den fußstapen/der alden
schlangē/so vnser Erste Eldern betrog vñ vmbwarff.
Dye schlange voll tucke/nicht bald offenbarlich/sun
der mit list vnd behendigkeyt/vnser ersten Eldern an
gynge Euam fragende warumb hat got euch gebottē/
das yhr nicht est/von allem holtz/des paradyses/vnd
durch den zweyffel Zue/als durch bereyten weck/ne
her nan tratt/vnd dye gyfft außschuttet in Got eyn fal
schen neytrichtet/das got nicht wolt den Menschen
gleych vorstendigk werdē den Göttern/schprechende/
mit nicht werdt yhr sterben/wan got weyß/in welchen
tage ihr werdet essen/auß dem werden auffgethā ewer
augen vnd werdt seyn als dye Götter wissende Gutes
vñnd Böses.

Also Luther vor vil iaren/Böses tractende/in seynem
herzen vnd begyr habende/domit auff den platz zu kö
men/aber bequemheyt nicht befunden/so lange biß vil
Ablass vnd genade ins landt gebracht/vñ vñlleicht zu
myld gebraucht/in welchs Luther als in eynn bereyrt
badt steygende/erstlich weder den ablass schreybe/dar
nach den Geytz/Sunde vñnd laster/so in Roma seyn
mögen Graulich/vnshamhaftigklich/vñnd weder
vornunfft meldet/welchs/als er vornā dem vnadlichē
volcke gefellig vnd angenehm/schuttet er gyfft der keze
rey kunlich auß/den Clerum/Priesterschafft/vnd hey
lige Sacrament antastende. Vnd also war machende/
Dasser vor erzlichem iare gesaget hatte/weder eynen sey

ner gatten frunde/ der ohn Errinnern was/ warumb so
mochte weder Bestliche heyligeyt schreybē/ welchem
Luther antwort/ Lyber/ ich habe nun mit eynē zwick
er ins faß gebort/ wan ich dem faß werde dem Bodem
auß schlagen/ was wollen sye denn sagen

Jch acht Luther hab nun dem faß dem Bodem außge
schlagen vnd doch dye gyfft nicht aller hyrauß gegossē
Ja Luther hat nicht alleyn dem faß dē Bodem zusch
lagen/ hat auch die Keyffen zuhawē/ dye weyl er thar
gerechtfertigen/ dye vordampē artycckeln Hussitarum
vnd straffen das Concilium Constanciense/ vnd alle
Concilia / dye nicht noch seynē wyrbellsuchtigen kopff
determinirē was mag hoffertygers seyn diesem Mēsch
en/ was freuelichers/ was Troglicher s

Du ist nun Luther deyn leugen / deyn abschlahenn do
mit du zu Leyptz in der disputation/ deynē weder part
Eccio/ vorneyngt/ vñ nicht woldest zulassen/ das dey
ne lere/ der Behemē patrociniū were/ mit grosser Bewes
gung vnd vngedult sprechende/ Inpudentissimum mē
dadium das ist/ aller vnschamhafftigste lügen. Du bist
nun nicht aleyn eyn patron/ sunder eyn öffentlicher hel
ffer vnd beschirmer der hussytischen Ketzerey

Darumb mercke leser / was vnder scheyd / zwyschen
Luthers vornemmens/ vnd der alden schlangenthun/
seyn möge Wye war dye Schlange gesaget hat zu vns
sern ersten Eldern/ mit nicht werd ihr sterben/ befinden
wyr/ wan sich wyr sterben alle/ vnd als das wasser hyn
fallen/ hynflissen in dye erde/ das nicht weder kumpt.

¶ **Responſa** Also erscheynt auch die warheyt in Luthero/ das er zu
Leyptz hat geleugent vnd abgeschlagen/ bekent er nun
offenbarlich

So sollen her krychem/ her schleyffen / die Reformirer
Sattnyſcher Synagogē Erstlich mit dem zwick er ins
faß boren/ darnach den Bodem außschlagen Czum er
sten eyn lere vorgeben die nicht von allen mag gestroff
werden/ vnd darbey ligen vnd trygen/ Byß eyn raum

macht/dye gyfft gar auß zu schöttenn Das ist der weck
den dye schlangen erstlich getretten vnnnd gemacht hat
dem volgen alle Qui diligunt vanitatē et querunt Me
daciū Ad propositum. Luther hat nicht auß liebe der
warheyt / sunder auß arge list zu Czornigen neyt / wol
bedachter rachtung / zu lesterung Christlichs fursten-
thums / Ergerniß der schwachen im glauben / vnd zu
vordäpnung seyner eigē selen / daß geistlich recht vprēt
Were Luther durch liebe der warheyt / zu solchem thū
erwecket / solt ers gethan haben / ehe dan man seine Buc
her vorprient hette Tu sage ich das vor gotte / der do sy
het in dye winckel aller hertzenn / das ich / ehe Luther
Bestliche Bucher vorprient / hab hören sagen / das Lut
her sich berumbt bey erzlichē des ordens / wo man ohn
seyne Bucher worde vorprienē (als er sich wol lyß dūc
ken gescheen mochte / wan izlicher kan geachten daß lō
seyner erbeyt) wolt er weder Bestliche Bucher vorprie
nen / Auch im ende auß welchen alle ding vnder scheyd
lich erkant werden / er das Bezeuget / vnnnd war macht
sprechende / Sicut fecerūt michi feci eis / daß ist / als sy
myr haben gethan / so hab ich ohn gethan welche wort
seynt der Rachtung / wye man auß der historiē erkēnet / **Judicium ¶**
dar auß sye genommen seynt Was aber auß Rachtung /
vnnnd nicht lauther lybe / der warheyt geschyt / wye es
fruchtbar sey / gebe ich yzlichen andechtigen menschen
zu orteyllen Sunder daß Luther dye schrifft adulteryrt
vnd nach seyner gefallē beuget / ya freuelich zwinget /
byn ich von villen daß vortragen .

In dem ersten articke / so er anzeyget warūb er Best
liche recht vorprienet habe / saget er darūb daß d Babst
vnd dye seynen / nicht wolten / Götlichen gebotten vn
derthan seyn vnnnd gehorsam

So nicht der geyst der hoffart vnnnd freuelkeyt der sich
auch trotzlich vnderstundt / den herren Christum anzū
fechten / von dem geschryben stehet / Sich er wirt den
flyß vorschlyngen / vnd sich nicht vorwundern / vnnnd

C

hat getraw/das auch der Jordann in seyn hals flysse/
erfuller hette Lutherum ia ganz Bestandenn/wō: er sich
Bass besunnen vnd bedacht haben/ dann solche grosse/
klare/helle/vnbeschemte lögen/ann tag zugebenn Er
sagt der Babst wolt nicht vnderthan seyn Gots gebot
ten/vnd ist das bezeugē/aber falschlich/mit dem Cap
pittel Solite/de mai utate et obediencia/wan das selb
capittel/sagt nich vonn Götlicher sunder Menschlich
er gewalt/welcher menschlicher gewalt/ d̄ Babst nicht
sall/noch will/vnderworffenn seyn/darumb das er ist/
vnd wyrt bewert/auff dem heyligen Ewangelio/eynn
vicarius vnd stathalder Christi

Wer wolt den auch vor eyn Christen halbenn/Ich ge
schweyge vor eyn Babst/der nicht Gottes gebortenn
wolde vnderthan seyn Es ist vnchristlich zugleuben/
das ye solche meynung in eynes Babstz hertze gefallen
sey/wenyger in das hertze des hochgebreytten/heyiligen
Babstz/Innocency des drytten/so das/c/Solite/ge
schriben hat / der vonn hohem vorstandt der heyligen
schryfft/vnd grossen Christlichen thun/gelobt vnd ge
rūmet wirt/in den Cronicken Er hat zu Rom eyn Cō
cilium gehalten/vorsammelt / von Tausent vnd drey
hundert prelaten mit den Patriarchen Jerosolomita
no vñ Constantinopolitano Sybenzig Erzbyschoffe
vyrhundert Byschoffe/zwelff Epte Priores Conuen
tuales/achthundert Grectyschen vnd Romyschē Ge
pytz / Legatenn / der Konigenn vonn Iherusalem/
Francck Reych/Hispanie/Anglie/vñ Cypern oratores
Dyesser Innocentius hat auch erstlich den Augustiner
orden In Bestlichen schutz genommen/dor vor er vñ
vor seyne grosberumpte Christliche werck/von Luther
genanz Dicens Monch/solchen danck entpfaet/dass
er von ihm eyn Keger werde gescholden. Was yf ands
gesaget/der Babst will nicht seyn gots gebot/den der
Babst ist eyn Keger? So vor eynen heyden sall gehaldē
werden/der die kirch nicht hōret/forderlich d̄ got nicht

höret vnd gotliche gebottē / nicht will vnderthan seyn
Aber daß c / Solite von gemeltē Babst Innocencio be
schreyben / sagt nicht von Gotlicher / sunder Mensch
licher gewalt Darumb Luther auß hinderlist freuelich
er torset / daß wort Gottes geboth dar zu zeuget / vñ
mit gewalt zwinget vnd drynget .

Vnd auff das du Luthers argelist vnd falscheyt mbe v
nemst / will ich dyr die historien vñ inhalt vilgedatz ca
pitrels weyter melden .

Babst Innocencius schreybet dem Keyser Constanti
nopolitano warumb Er den Patriarchen / vñ Constā
tinopel / so eyn groß Glyd der kyrchenn / lyß zu seynenn
fussen sitzen zē Welchs schreybens der Keyser sich vor
wundernde / dem Babst antwort / worumb er torsete
Keyserliche maiestat vmb solchs straffē / so doch Petrus
geschreyben hab Seyt vnderthā aller menschlicher Cre
atur / vmb got Es sey dem Konige / als dem aller vber
treffligsten / ader den Herzogen / als vñ ohm gesandt zē
Auff diesem geigen worff / sagt der Babst / das Petrus
sich in diesem worten nicht begriffen will / sunst het eyn
izlicher knecht / daß gebith in dye püster / dorumb daß
Petrus sagt / aller menschlicher Creatur

Nu Syhest du daß in diesem / c / gar nichts / weder vill
noch wenig / götlicher oberkeyt gewennet wirdt / sund
menschlicher wan Petrus exemplificirt / mit dem Konig
ge vnd Herzogen Auch mag Luther nicht deuten / mit
dem wort / vmb Got / daß Petrus spricht / Seyt vnder
than / aller menschlicher Creatur vmb gott / wann daß
ist die schryfft / vberstandenn / vbernammen weyter den
dye heyligen veter / haben gethan Man bit vnd vormāt
vill vmb got / daß man doch ane sünde vorsaget .

Vnd das schyr vbergangen hette / Luther / vorkeret / dy
wort falschlich / vñ spricht Petrus habe gesagt / Ir solt
aller oberkeyt vnderthan sein / daß du in Petro nicht fin
dest / auch nicht in gedachten / c / Solite / Sunder also
Seyt vnderthan aller menschlicher Creatur / Nu ist ey

ne grosse vnderfcheydt / zwyschen diesen worten / aller menschlicher creatur / vnd aller oberkeyt wan es ist götliche oberkeyt / dye wol mochte mit berurt seyn / so Petrus spreche Seyt vnderthā aller oberkeyt Tu Petrus spricht nicht / aller oberkeyt / sunder aller menschlicher Creatur / durch welchs er auß schleust / vnd nicht betryfft Götliche oberkeyt / wā Got ist nicht ein Creatur diesen vorstandt / bedeut auch Petrus / in dem das er nachuolgende spricht dem Konige als dem oberstenn / ader den Herzogen als von ihm gesandt diesem allem noch / ist der Erste artickell / in d̄ warheyt nicht gegründt sunder außhinderlist falschlich durch Lutherum Commentysirt vnd erdacht

Ja dye andern Artickel alle / so Luther angezeigt / warumb Er Decretales billich vorprient habe / flyssenn als wol als das erste auß diesem kezerisckē grūde / das Er vorneynd vnd leugendt von Christo oberkeyt auffgericht / welche artickeln / volkomlich vmbzuwerffenn / muß man den grundt vndergraben vnd zubrechen / dz ich spar auff ander zeyt / so got will.

Auff diß mal byn ich wenig melden / das Egllicher maß kundt werde / der alden schlangen tuck / vnd list / dye in Luther ist / Das nan gehengkt / Im x Artickell / strecket vñ denner Luther dye wort des : h : ewangely weiter / dan sye nach Christlichem vorstandt reychen Das will ich klar / hell vñ war machen zu bewere / das der Babst von Christo keyn oberkeyt habe / sunder vnderthan sey / vnd zurichten von den menschen / zeuget Luther nebē andern spruchē herfur / dye wort Christi / Luce xxij do er sagt Welcher der groste vnder euch ist / werde als iunger . Qui maior est in vobis / fiat sicut iunior / Vnd der vorgeher als eyn dyner Et qui p̄cessor est sicut ministrator Matheus / am xx spricht / minister Marcus am x / sagt auch / minister vnd seruus / Dese worth alle / dye knecht ader dyner / außgeleget werden / deutet Luther in das wort vnterist / welche deutung sye h̄ye nicht ha

Sein noch Christlichenn vornehmen / wann dis wort
Knecht ader dyner nicht vberal den vnteristenn bedeutet
Das Bewere ich vñ bezug / erstlich / mit vorgetragener
auctoritet Sich in den das Christus spricht / welcher
groste vnder euch ist vnd vorgeher / bekent er oberkeyt /
in dē daß er nachuolgende saget weder als dyner / Knecht
lernet er dye weyse vnd gestalt / wye mann dye oberkeyt
ader gewalt brauchen fall / vnd außsen das ist / in de-
muth / Vnd das / daß wort dyner ader Knecht / hie nicht
laute vnteristen / vnderworffen / ader vnderthan / als es
Luther kezerlich ausleget / Bewere ich mit Christo dem
herren der vonn sich selbst spricht Luce xxij Ich byn in
euern mittell / als der do dynet / In welchen wortenn
Christus nicht deutet sich vnderthā vnteristē / ader vn-
derworffen seyn den discipeln ader Aposteln Wann
Joannes xij saget Christ⁹ also / Ihr heysset mich meyst
er vnd herre / vnd sagt wol / wann ich byns Sich do be-
kennet er dye oberkeyt vñ meysterschafft in dem aber dz
er spricht Ich byn in eueren mittell als der do dynet /
lernet Er dye weyße / forma vnd gestalt / wye man dye
oberkeyt außsen fall vnd gebrauchen Dem nach sagt
er auch / an gnanter stat Johan. xij / So ich ewer her-
re vnd meyster / hab gewaschen ewer fusse / vnd ir sollet
eyner des andern fusse waschenn / Wan ich habe euch
eyn exempell gegeben / vornym der demuth Darumb ist
demuth vonn nottenn in aller oberkeyt / sye sey wertlich
ader Geystlich Es ist keynen Fursten von Christo ge-
ordent ader nachgelassenn das er in vbermut / hoffart /
vorschmeung vnderdruckung / der armen Regyren sol-
le / Sunder eyn yglicher Furste / wertlicher ader geyst-
licher / Sal sich erkennen / eyn dyner seyn des gemeynen
Nutz Der gemeyn Nutz ist nicht vmb Fursten willen /
Sunder weder vmb / der furst vmb des gemeynen Nutz.
Wer was der Furst / ader Edell man / do Adam grub
vnd Eua span Do her ist der spruch des weyßen mans
Ecclesi. xxxij Sie haben dich gesaget eyn regyret / w yrd

C iij

nicht hoffartig/Byß ſhn gleych als eyner auß ſhn/vnd
Byß vor ſye ſorgen/vorwar eyn dynſt vñ nicht eyn kley-
ner dynſt/zu ſorgen vor eyne gemeyn vnd vor eyn izlic-
hen auß der gemeyn Sye do von kommet das Luce am
xiiij/der hoffartige/Begyrig der gewalt zu hyschenn/
nicht zu dynen/preſit ſzm Augustinum non proſit / vñ
dem groſſen abent eſſen ſich entſchuldigede ſpricht Ich
hab eyn dorff gekaufft/myr iſt noch zugehenn/daß ſel-
bige zu beſichtigen/Ab er wolt ſagen ich habß dorff ge-
kaufft/vornym das ich hyschenn will/habß nicht ym
Befell entfangenn/daß ich deynen/ amptflegenn / ader
Nutz ſeyn wolt/Dorumb iſt myr nort zubeſichtigen dz
dorff nicht dye menſchen / ich achte vnd ſuche dye ere/
gewalt oberkeyt/ hyschung nicht dye ſittē der menſchen
en/woye ſye noch gerechtigkeit ſollen vñ mogen regyrt
werden Ich Begere den zeytlichen Nutz/gewyn/ zynß
vnd Bentz / frage nicht nach heyll vnd gerechtigkeit vñ
vntern Dem noch welcher der demut vorgeſſende regirt
in vbermut/noch Begyr eygens willens/Keyne auge ha-
bende auffgedey ader/wolfar des gemeynen Nutz allei-
ne das ſeyne ſuchende/der Regyret nicht noch Chriſt-
licher ſunder heydnischer weyße / do vñ Chriſtus ſagt/
Dye Konige der heiden hirschen vber ſye/ihr aber nicht
also zē wer der groſte vnd vorgeher vnder euch iſt/wer-
de/als eynn dynner das iſt geſagt acht ſich vñnd erkenne
ſich/eyn dynner der gemeyne/welche wort den wortlich-
en Regyren/als wol geſagt ſeynt/ als den geystlichen/
ſunſt/ wo die wertlichen nicht betryfft die lere Chriſti/
ſeynt ſye nicht in der ſchul Chriſti/So ſye nicht ſeyn in
der ſchul Chriſti/ſeynt ſye in der ſinagogenn Sathane
Dorumb die teylung/die Luther gibt/vñnd ſpricht/eß
ſey wol war/das der wertliche gewalt nicht vnderthā
ſall ſeyn ſhren vnttern/iſt eyn Comment ſeyner hinder-
liſt/vñnd der ſchlangen gyfft/Chriſtus ſagt von dem re-
giment der heyden/den Chriſten zuuorneydenn/nicht
nachzuolgen/do von ich halt weyter ſagenn will Do

umb daß demut ist die form/weyse vñ gestalt / der auß
vbunge Christlichs Furstenthumbs / hat der heylige
Babst Gregorius Erst den Zytell genommē / vnd sich
grschryben Seruus seruorum dei Eyn knecht / der dy-
ner gottes / Welchen tittel Byß her alle Beste brauchē
vnd zugebrauchen sich keyner nimmermhe schemmen
wirt auß welchem allem clerlich scheynet d̄stlich das
das wortlinn / knecht oder dyner / hie nit dewtet vnder-
sten / sonder meldet die form vñnd gestalt der oberkeyt.
zum andern erscheynet das demut nit leugent z̄ das
demuth nit leugent ader z̄bricht / dye oberkeyt in der
kyrchen / s̄nder ihr die rechte gestalt / forma vnd wey-
se gybt Vnd ab nun demut in der oberkeyt / sye sey geyst-
lich ader wertlich / nicht worde befundenn / dennoch ist
sye nicht von iglichen zu vrteylen ader zu vor schmeē /
so lang sie nicht schafft ader ordēt weder gottes gebot
Sunder geduldiglichē zu dulden / vmb Christi willē /
der do gepent / was sye sagen das thut / was sye thūē /
das thut nicht z̄

Ich wenne dyr sey nu Egllicher maß kunth / wye Lut-
her z̄befestigen seynnen kezerischen grund / das von
Christo keyn oberkeyt sey auffgericht in der kyrchē / mit
gwalt zeuget vnd beuget / drynget / zwinget / zerret vñ
denket die wort des / h. Ewangely / auff meynung / do
sye sich noch Christlichem vornemmē ader vorstandt /
nicht hyn strecken / ader gelangen .

Dye andern auctoritaten / in genanten / r / artickell vor-
tragenn thunn auch nichtz weder dye oberkeyt / als ich
weyter sagem wyll / wen ich Luthers Resolutiō / depo-
testate Pape tractyren werde .

Sunder mercke / ich will dyr mhe angeychen / wye Lut-
her vom geyst des schwyndels / vñ gysst der aldē schlä-
gen / truncken vnd volist das er selbst nicht vornimpt /
wo v̄s er saget / ader schreybet Er spricht in ehe gedach-
tem r artickell / es sey war / wertliche gewalt / solle ihren
vntern / nicht vnderthann seyn Das ich vornem / soll re

gyren noch gefaleygens willens / So wolde ich vō dyr
hören Luther/ welchs dye selb wertlich gewalt sey / ad
von wan dyr komm / Dese distinction vnd teylung/ dz
eyne gewalt solle nicht vnderthan sein ihre vnttern/ dy
ander solle vnderthan Diese distinctio der gewalt/ vñ
de ich in der Kirchen nicht ich bekenne ia zwo gewalt in
der Kirchen bederth durch die zwo schwert/ bey den/ h.
aposteln befunden/ Aber das eyne solle vnderthā seyn/
die ander nicht/ das ist der schlangenn Sybulus/ nicht
dye lere Christi Christus hat von beyden gesagt/ welch
er der groste vñ vorgeher in euch ist / der werdē als eyn
dyner / das ist erkenne seynenn standt / eynn dynst des
gemeynenn Vtz .

Dem noch so mit dyr Luther nicht ist / der von anbegin
eyn lögen vnd vatter der lögen ist / vonn wann gibst du
hye vndertheyt der gewalt / die du doch im Buch an
den Christlichen adell deutscher Nacion / vorneynst /
vorwirffst vñ abschlaest / sagende Es seynt alle geyst
lich vñ pfaffen / die getaufft seyn / wer seyn den nu dye
wertlichen in der Kirchen / dem gewalt nicht fall vnder
than seyn / Es ist die tuck der aldenn schlangenn der du
durch all deyn schreyben brauchest / wo eynn dinck vor
dich ist / nymst du es an / wo nicht / kanst du es meyster
lich vorneynnen vñ leügen .

Du bist eyn hēmischer feynd Christlichs friedes / Czack
hader / vñ auffruer / wederspennikeyt / vñgehorfam vñ
vorschmeung zuerweckē hastu fleyß hye machstu zwo
gewalt / im Buch an den Christlichen adell Deutscher
Nacion / Turn eyne / vñ an Beyde orten bistu heuc
heln / schmeychen / vñ liebtsosen / der wertlichen ober
keyt / hye ist sye nicht vnderthan / dorth ist sy alleyne
Merckenn alle die vorzumfft habenn / wye Luther / der
schlangen wegt / so gerade ist wandern vñ ghan .

Auch fall Luther nicht gehört werden / ab er walt sagē
Errede hie von der gewalt der heyden / wan das ist / dē
wagen vñ bers Czyl getrieben / was darffer vñ sagenn

wye eß die mackē / die außwēdig vns seynt / Christ⁹ hat
gesagt / dy Konige der heyden hyschen vber sye / solch
regiment in der kyrchen zuuorneiden / nicht zu brauchē
In allem Regiment / eß sey bey den Christen ader heidē
straffet Gott haffart / vñ tyrannyschkeyt Do her ist / dz
got auch die Nacionē / dē Ergwalt gab / daß israhelsch
volck zu straffen vmb sund in Gott vorbracht / weder
straffet / dorumb daß sie sich der gewalt vbernommen /
vnd nicht Gott znschreyben

Also auch Luther / alle wertliche / durch dich entzünnde
in begyr die geystlichen zuuorwolgen / werdenn so vill
mhe vnd schwerer sundygen / wye vill größern wollge-
fallen vnd froluckunge sye darinne haben . Aber alle in
den do wyrt seyn dye forcht gottes / werden weder radt
noch that dartzu legenn / sunnder erseuffzen vñnd mit
Beklagen dye sunde der geystlichen / do mit sie straff bey
gott vordynet hann. Gleycherweyß als do Christus in
eygener person wolt leyden / vnd von sunden vordam-
men dye sunde / hatte keyn gotforchtsamer mensch do
mit zuschaffen / sunder mitleydung Aber dye Bosshaffti-
gen waren sich frewen / das ohn dye zeyt gabe ihrenn
Bösen willē außzuüben Also wen Christus anderwert
will leyden in seynē dinern / vornym die priesterschafft /
wirt sich keyn frommer frewen / noch do mit zuschaffē
han / sunder dye Bosshafftigen werden dartzu geryg vnd
emsiß seyn / vnd nach dem ihre sunde fordert / mit solch
er Boser that beschliessen / das sye auch entlich Belonüg
entpfaen wye dye Christum Creuzigten / Der verellifer
wyrt du werden Luther ann zuuorghan an dye stat /
do hyn alle gehören / dye vbergehen das geboth Gottes
Nolite tangere christos meos ⁊ in prophetis meis nolite
malignari .

Summa Summarum

Luther ist eyn vester kezer / gemast / vonn fetykeyt des
ackers den die alden vordampfen kezer bepfercht vñnd

D

gütunget habenn / welcher acker ia fruchte traaget Aber
nicht brauchlich dē schaffen Christi / sunder dē sauwē /
von dē fern sauwen of / treber / vnnnd spulicht Luther /
incrassatus / inpinguatus / dilatat? Ist er nicht alleyn
hinder sich schlaen / wederspennigt gewo: den / den ge-
horsam vorworffen Auch das vberauff ist vñ dem Furf-
ten der hoffart zu statt Gott lestern vnd schenden in sey-
nem statthalder / Denn Babst Christi vicarium Entsch-
Christ schelden / auß dem grunde / auß welchem dy Ju-
den das heylige Ewangeliū / vnnnd alle Christlich ob-
seruanz vorlachen / vorpotten / vnd blasphemyrē Vnd
wywoll der Christen glauben / auß den propheten vnd
gesetze der Judenn bezengeth wyrt / dennoch darumb
daß die Juden / durch neyt vnd Bosheyt vorblent / dye
schryfft beugen vnd zwingen auff adulterinum vner-
lichen vorstandt / mögen sye von yrem lestern nicht ab-
stan vnd zu dem Christen glauben greyffen Also Lut-
her dye wort Christi zu Petro gesprochē Tibi dabo cla-
ues regni celorum et Pasce oues meas falschlich vnnnd
Ezerlich zihen auff fremden synn / Ist er ganz eyn lef-
terer vnd schender Christlichs furstenthumbes Eyn be-
truber des fredes / eyn auffrichter zangts / haders vnd
allen vngemachs .

Gesandt von dem der do eylet vñ vleyß thut / alle ding
vortreiben / nicht vonn Gott / als Moyses / der nahe vor
seyne todt bath vor dz Furstenthum Gott wolde seyn
volck nicht vorlassē als schaffe ane hirtē welcher beth
Moyses vñ dē hern gezweiget / Josue an sein stat / auß
gotlichem Befell ordent / vnnnd schaffte eyn Fursten des
volckes Numeri xxvij Diesem allem Luther gerade ent-
gegnerebeyt Christlich Furstenhū gar zusto: vñ ganz
weck zunehmen / Dye menschen frey zu machen / das
ist vnuorpflcht / der der gerechtigkeit / welche gerecht-
keit zuerfollen Christus gehorsam ist geworden / bis in
den todt des Creuzes / Behut vns got vor dyser frey

heyt/mach vns durch außbung des gehorsams knech
te der gerechtigkeit vnd ledyg von den dynste des eygē
willens/das wir auch nicht sein als schaff ane hyrte/
vns selbst weydenn Amen.

Luther rümet sich/er fechte mit schryfften
Er ist aber das waffen vnd pfeyl/vorgyfften
Dem noch/wiltu ihm kempfen ane vhar
So nym Luthers tuck vnd argelist eben war
Sye ihm nicht auff's maull/als mā sagt/sund auff dy
Wye er dye schrifft/zerre/beuge/ vnd wende = hende
¶ Er nympt der veter spruch/nach glosa/nicht an
Vnd will doch/seyne deutung der schrifft/sall bestant
Gleych ab er in des/h/geysts rathe were
Das wir alle/musten volgen/seynes lere
Es ist vormessenheyt vnd vbermut
Do mit er dye veter voracht/selbst breysen thut
Er spricht dye veter waren menschen/mochten irren
So er der teuffel/dye ganze kyrche ist vorwyrren
Wo aber die veter das vor ihm ist/haben gesetzt
Nympt er an/strickt vnd bust er do mit seyn Neg
Ist aber ire schrifft ihm weder vnd entgen
So wyll er der wort vnd auctoritet keyne
So ist Luther eyn seyner pryeges man
Der das fortell/so waydlichen suchen vnd brauchē k̄n
Dieser faulen gorten/brauchet er noch vill
Als ich ein andermall/weyter angeyden will
Aus welchem zuuor mercken das Luthers schrifft
Nicht eytell honig/sunder auch vill hat der gyffe
Er sagt/er wolde mit schrifftē vberwunden seyn
Do mit er seyner lere gibt farbe vnd scheyn
Er ist aber die schrifft/weyter zerren vnd dennen
Dan sie die veter vnd kyrche ist vornemmen
Darumb lath sich Luther mit schrifftē nicht erreyche
Wan h̄ssart harret nicht/ist stet vorbaß weyden
Paul⁹ gebent nachtern vñ messig zuschmeckē dy schrif

Dij

So honigsmagk sal bestan/vnuormyscht der gyffe
Was wennestu das Jeronimus vnd Beda
Mit andern veteren/woye ich sye sall nennen ia
Nicht auch die Byblien haben gelesen
Sye seynt aber anders/dan Luther geschickt gewesen
Sye haben ihren intellectum in captiuitatem redygyet
Dorumb sie solchen irthum nicht haben ingefürt
Solt eynt izlicher die schryfft auß/legē nach seinē gefal
Czu legt worde vortuncelt dye warheyt vberall
C Hoffartig gemut vnd zu vill klugk seyn
Hat alle Ketzerey vnd irthum gefuret ynn
Wer bey sich selbst weyße vnd klugk ist
Der will gesehenn seyn zu aller frist
Mag im hauffen nicht bleyben noch bestan
Auß sich erfurthū/durch nawe lere/saltzem Opinion
Solt er gleyche vordampfte Ketzerey vornauwen
So will er sich lassen sehen/vnd anschauwen
Sunder die Kyrche/hat angenommen der veter lere
Darumb dich an Luthers Blatyren gar nichtz Kere
Lucas nach and ewāgelist/wer bei mir kein glaubē hā
Wo dye Kyrch yr schryfft/nicht hette genommen an
Wer dye Kyrche nicht hörēt sagt Christus
Der sey dyr als eyn heyde vnd publicanus
Dorūb halt den vstādē den dy veter vñ die Kyrche ist hā
Vnd laß Luther zum teuffel vharē/reytē ader ghan
C Was sall man vill schreyben ader sagen
Es ist ia wunder vnd hertzlich zubeklagen
Daß so vill meyster besolt/in den vniuersitaten
Solchen offenbarlichen irthum vnd Ketzerey/gestatten
Sye brauchen ihre pfund mit sunden
Dorumb vorgleycht sye dye schryfft den stummē hundē
Sy sch weygen stil vnd geben gar keyn lauth
Lyben eygen nutz/friede/furchten der hanth
Eß hat lange geschlaffen/der pastor vnd hyrdt
Nymāz erbarmg/dz die herdt Christi so vorfirt wirt
Herr Ihesu Christ/guter hyrdt/laß dichs erbarmen

Sye auff deyne vorlassende schaff/dye amen
Gybe ohn deynen trost/schutz hulff vnd beystandt
Das sye des/wolffs/queyt vnd loß werden zuhaudt.
Amen

S. P. Et si non nihil familiaritatis, superioribus diebus, apud tuam prestantiam nactus sim, virorum optime, nuncquam tamen adire eandem litteris meis presumpserim, quippe, quam non ignorabam arduissimis frequenter occupari negotiis, At cum nunc in ea tempora inciderimus, quorum quemlibet generosum animum merito tedeat, volui de hijs cum tua amplitudine pauca commentari/nihil subueritus scripsiunculam meam & si tue dominationi non multam fortassis iucundam, minime tamen molestam quando haud secus atque optimo cuique, dignitati tue Christiane Reip: labefactionem displicere, certo certi habeam Itaque rem nunc aggrediar, Ab euo siquidem qua paterni lares Christiane Religionis iniciati sunt, non arbitror periculosius bellum nostris in Oris ortum, ut hodie Lutheri pestiferi conatu geritur, eo nempe obedientie munus (quod Christo Opt: Max: Authore in toto Christianissimo potissimum est) eneruatur, & fedissima quedam libertas, qua frena delinquentibus, laxatur, & omnia ab ecclesiarum prelati instituta floccifiunt, pessundantur & pro nihilo habeantur, parturitur/Profecto nisi peccata nostra, perditissimum hunc hominem, ecclesie dei aduersarium dedissent, mirum si non lapides in eum clamarent laxaque in faciem eius saliencia frontem duriorum contunderent, Sicut scriptum est, Si populus meus audisset me, pro nihilo forsitan inimicos eorum humiliasem, & super tribulantes eos misissem manum meam

Quam obrem nobis merito ingemiscendum est. Et illud fidelissimi Regis Ezechie in oratione assumendum in Regum xix / dies tribulationis & increpationis & Blasphemie dies iste, venerunt filij usque ad patrum, & vires non habet parturiens, Scripsi in Lutherum, ut aliquando pollicebar, opus grandiusculum, quoniam ab omni Christiano ei aduersandum opere precium est, Non enim amat regem, qui inimico dat dexteram Sed cum animaduertentem dormire homines, ecclesiarum loquor Rectores, detinui quoque lucubratiunculam meam atque delitescere feci in hanc usque horam, Et ut verum fatear, angebar sepius animo diuturniorem nimiamque dissimulationem prelatorum videns & fere desperabam, ne inimici hominis zizania, dominico tritico preualeret. Ceterum audirem experientiaque caperem, nostrum pientissimum principem Georgium, eundem denique Christianissimum, huic virulente molitioni dissentire immo pro virili resistere, refocillatus est spiritus meus, Et quoniam non est similior Imago dei interis, quam princeps castus & sanctus, qui caste sancteque iudicat omnia, qualem Illustrissimus dux noster, sese laudatissima facillitate, atque in subditos beneuolencia cotidie probat. Gratulor plurimum, & deo Opt: max: eo deuocius supplico, Immo a singulis nostratibus orandum est, astripotes Optimum hunc Principem eo cautius conseruet: quo hac tempestate amplius est nobis necessarius, tue erit prestantie, acceptum apud Principem Optimum familiaritatis talentum ad lucrum ponere, eumque adhortari in defendenda Christiane religionis zelo, magis abundet, De his hactenus, dum Carnis prius diebus, in medio nemoris consisterem, animo subijt, qui mundiales homines varios eo tempore ludos frequerarent, Cœpi meditari, quid homo


solitarius agerem quo anime turporē (qui in heremo
comorantibus infestior hostis est atq; frequens) tem
perarē, affuit illico Lutherus, mentemq; pulsans, ad lu
dendum me excitavit, seq; proprijs pennis depingerē
exoptavi, feci impigre, Lusi, Rithmos nonnullos ver
naculo congeffi, hominis Imaginem prefeferentes. Et
ne vacuus apud tuam dominationem apparem, eosdē
Rithmos pio ausu mittere decreui, confidens eos eidē
prestātie tue, licet occupatissime, Christiane tū Reip:
quietis cupidissime nihil tedij alatuos Quapropter, si
quādo ocium dabitur, poteris hīs videre, qualis Lut
herus apud me, & quemlibet Christicolam iure, tenen
dus sit, porro si quid minus prudēter in mediū duxi
dabitur venia, quoniam zelus domus dei co
medit me cum hīs quam Optime vale
at tua dulcissima celsitudo, & Pau
lum tuum Indefessum
Oratorē accipiat
Dat


Faint, illegible text, likely bleed-through from the reverse side of the page.



77 L 1052

X2123587






B.I.G.

Farbkarte #13

[Anniola, Paulus]



Martin' lu

ther Wy es eyn man sey Vnnd
was er furt' im schylde Das
vindest du in diesem spruch
hy bey Gleych weye in
eynem Bylde .

Omnia caro ad similem sibi co
iungetur et omnis homo simili
suo sociabitur Ecclesiastici ter
cio decimo capitulo

• 1 5 • z z •